



Adresa: **Ul. Hamdije Čemerlića 39 a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Sekretar
Hamdije Kreševljakovića 3
71000 Sarajevo

Naš znak/Our ref.: **10 –184 - 2 /26**

Vaš znak/Your ref.:

Datum /Date, Sarajevo, 04.02.2026.

PREDMET: Delegatsko pitanje – **Odgovor AVP Sava, dostavlja se**

VEZA: Vaš akt broj: 05/2-02-36/26 od 26.01.2026. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 06-02-2026			
Org. jed.	Broj	Priloga	Vrijednost
05/2	- 02-	36	/26

Poštovani,

Vašim aktom iz Veze dostavili ste nam kopiju delegatskog pitanja koje je postavio Mehmed Memišević, delegat Doma naroda Parlamenta FBiH, a tiče se zaštitnih vodnih objekata:

- 1) Da li je urađena revizija postojećih nasipa i kanala, zamjena ili jačanje slabih tačaka?
- 2) Kada je izvršena modernizacija brana i pumpnih stanica koje treba da izdrže ekstremne vremenske uslove?
- 3) Postoji li ažurirana karta poplavnih područja i kada je zadnji put revidirana?
- 4) Kada je izvršen posljednji tehnički pregled zaštitnih objekata?
- 5) Koliko je izgrađeni novih zaštitnih objekata na kritičnim lokacijama (npr. Unsko-sanski kanton, Semberija, Spreča)?
- 6) Koje su to nove investicije u tehnološke napredne sisteme za praćenje stanja infrastrukture (senzori, dronovi, GIS sistemi)?
- 7) Postoje li programi pošumljavanja i zaštite slivnih područja?
- 8) Koji su izvori financiranja preventivnih mjera?
- 9) Da li su projekti javno dostupni i transparentni?

Na osnovu detaljnog pregleda dostavljenog akta AVP Sava u skladu sa svojim nadležnostima daje slijedeće **ODGOVORE:**

Ad. 1.:

Odlukom Vlade Federacije Bosne i Hercegovine o prenošenju prava upravljanja i korištenja na zaštitnim vodnim objektima u vlasništvu FBiH na području općina Odžak, Domaljevac-Šamac, Orašje i Gradačac broj: 274/2001 od 14.06.2001. godine definisan je spisak objekata koji su preneseni na upravljanje JP za „Vodno područje slivova rijeke Save” Sarajevo. Navedena Odluka je donesena na osnovu Zakona o vodama ("Službene novine Federacije BiH" broj: 18/98) koji je prestao da važi stupanjem na snagu Zakona o vodama („Službene novine Federacije BiH", broj: 70/06, u daljem tekstu: „ZOV”).

Članom 14. stav 1. tačka 1. ZOV-a navedene su vrste zaštitnih vodnih objekata i to: nasipi, obaloutvrde, uređena korita vodotoka, odvodni kanali, obodni (lateralni) kanali za zaštitu od vanjskih voda, odvodni tuneli, brane sa akumulacijama, ustave, retenzije, crpne stanice za odbranu od poplava i drugi pripadajući objekti, kao i objekti za zaštitu od erozija i bujica, a stavom 2. istog

člana navedene su vrste objekata za odvodnjavanje, osnovna i detaljna kanalska mreža, crpne stanice za odvodnjavanje i drugi pripadajući objekti.

Članom 15. stav 1. ZOV-a utvrđeno je da su zaštitni vodni objekti iz člana 14. stav 1. tačka 1. u vlasništvu Federacije, a stavom 2. istog člana utvrđeno je da se pravo upravljanja i korištenja na zaštitnim vodnim objektima prenosi na nadležne agencije, dok je članom 16. stav 1. ZOV-a utvrđeno da su vodni objekti za odvodnju kao i vodni objekti iz tačke 3. alineja 2., 3. i 6. člana 14. ZOV-a, koji su izgrađeni državnim sredstvima, u vlasništvu kantona na čijem se području nalaze.

Na osnovu navedenog, odnosno pozivajući se na Odluku Vlade FBiH broj: 274/2001 od 14.06.2001. godine i trenutno važeće odredbe člana 14. stav 2. tačka i člana 15. stav 1. ZOV-a nadležnosti u upravljanju vodnim objektima navedene Odluke od strane Vlade Federacije BiH su "ex lege" u vlasništvu kantona na čijem se području nalaze, a samim time u skladu sa članom 20. ZOV-a upravljanje navedenim objektima, kao i održavanje objekata u funkcionalnom stanju i korištenje istih u skladu sa njihovom prirodom i namjenom je obaveza vlasnika, u ovom slučaju kantona.

Nakon katastrofalnih poplava iz 2014. godine izvršena je rekonstrukcija dionica odbrambenih nasipa uz rijeku Savu i Bosnu koji nisu imali adekvatan stepen zaštite od 1/100 voda, čime je po prvi put od gradnje odbrambenih nasipa (koja je počela sedamdesetih godina 20. stoljeća), postignuto da kompletna odbrambena linija na poplavnim područjima Odžačke i Srednje Posavine ima isti stepen zaštite – na proračunate velike vode rijeka Save i Bosne ranga pojave 1/100, uz dodatno zaštitno nadvišenje od 1,20 m, čime se, uz pravilno i pravovremeno provođenje mjera aktivne obrane od poplava, obezbjeđuje zaštita od velikih voda rijeka Save i Bosne ranga pojave 1/1000 godina (vode koje se javljaju jednom u hiljadu godina).

Ad. 2.: Generalno brane i pumpne stanice koje su u ranijem periodu izgrađene i egzistiraju na vodnom području rijeke Save u Federaciji BiH su vodni objekti koji su ovisno o namjeni najčešće vodni objekti sa osnovnom namjenom za iskorištavanje voda (za proizvodnju električne energije, snabdijevanje vodom privedenih subjekata, ...) odnosno objekti za odvodnjavanje kad je riječ o pumpnim stanicama, te u skladu sa članom 20. ZOV-a za upravljanje navedenim objektima, kao i održavanje objekata u funkcionalnom stanju i korištenje istih u skladu sa njihovom prirodom i namjenom je obaveza vlasnika. Svi ti objekti su projektovani i građeni da izdrže ekstremne vremenske uslove, te ukoliko se održavaju i koriste na pravilan način (što je obaveza vlasnika) isti trebaju da adekvatno odgovore na sve vremenske uslove. U skladu sa članom 20. stav (4) ZOV-a vlasnik odnosno korisnik vodnog objekta održavati i koristiti u skladu sa općim aktom (planom pogona) o održavanju, korištenju i osmatranju vodnog objekta i postupanju u slučaju kvara ili havarije na objektu.

Što se tiče pumpnih stanica za koje je u ime Federacije BiH zadužena AVP Sava (CS Tolisa, CS Zorice I i Zorice II i CS Svilaj) iste su u prethodnom periodu sanirane i remontovane i vrši se redovno tekuće održavanje istih, te su u ovom trenutku u potpuno ispravnom i funkcionalnom stanju.

Ad. 3.:

U skladu sa tačkom 2.1.4. Federalnog operativnog plana odbrane od poplava ("Službene novine Federacije BiH", broj: 97/15- u daljem tekstu: FOP) "Agencija za vodno područje rijeke Save" Sarajevo redovno vrši izmjenu i objavu tehničkih priloga FOP-a u skladu sa ukazanim potrebama.

Izmjene Tehničkih priloga FOP-a, izvršene su 10.06.2021. godine, a koje se odnose na izmjenu Mapa područja, , iz tačke 3. FOP-a na kojima su prikazane linije do kojih dopiru poplavne vode ranga pojave 1/20, 1/100 i 1/500 koje su dobivene na osnovu najnovijih podataka o velikim vodama povratnog perioda 1/20, 1/100 i 1/500 godina kao rezultat hidrodinamičkih modela za vodotoke u BiH urađenih za potrebe projekta Izrada Mapa opasnosti i mapa rizika za Bosnu i Hercegovinu (projekat završen krajem 2020. godine), a koji je izrađen na detaljnim podlogama

dobijenim snimanjem Lidar tehnologijom i u ovom trenutku predstavljaju najažurnije podatke sa kojima raspolaže ova Agencija.

Ad. 4.: U sklopu realizacije radova tekućeg održavanja zaštitnih vodnih objekata na poplavnim područjima Odžacka i Srednja Posavina redovito vrši se obilazak (na dnevnoj osnovi) i uvid u stanje ovih objekata o čemu se vodi dnevnik, za što je zadužena "vodočuvarska služba" u sklopu pravnih lica po FOP-u sa kojima AVP Sava svake godine zaključuje ugovore na osnovu Okvirnih sporazuma koji se po Zakonu o JN zaključuju na period od tri godine..

Ad. 5.: Odabir prioriternih projekata vrši se na osnovu urađene strateške planske i druge dokumentacije: Federalne strategije zaštite okoliša (2022. – 2032.) čiji je integralni dio Strategija upravljanja vodama Federacije BiH (2022. – 2032.), Plan upravljanja vodama za vodno područje rijeke Save u Federaciji BiH 2022.-2027., Mape opasnosti i mape rizika od poplava, Plan upravljanja rizikom od poplava za vodno područje rijeke Save u Federaciji Bosne i Hercegovine (2024. – 2029.), Trogodišnji plana Federalnog ministarstva poljoprivrede, vodoprivrede i šumarstva za period 2023. – 2025. godina, Godišnji Plan rada Federalnog ministarstva poljoprivrede, vodoprivrede i šumarstva (Sektor za vode) za 2023., Okvirni plan i finansijski plan Agencije za vodno područje rijeke Save Sarajevo za period 2024.-2026. godine, Glavni preventivni plan odbrane od poplava za područje Federacije Bosne i Hercegovine, Odluke i zahtjevi Federalnog ministarstva poljoprivrede, vodoprivrede i šumarstva prema članu 156. tačka 14. Zakona o vodama, prema aktima Vlade Federacije Bosne i Hercegovine i na osnovu hitnih situacija na terenu izazvanih štetnim djelovanjem voda.

Ulaganja iz Plana i Finansijskog plana Agencije u periodu 2023. – 2025. godina u preventivne aktivnosti i radove odbrane od poplava na površinskim vodama I kategorije prema značaju za upravljanje vodama su bila: Unsko-sanski kanton – 1.896.494,54 KM, Zeničko-dobojski kanton – 7.955.680,70 KM, Srednjobosanski kanton – 2.999.532,29 KM, Tuzlanski kanton – 2.135.562,11 KM, Sarajevski kanton – 5.378.137,30 KM. Planirana ulaganja u 2026. godini su: Unsko-sanski kanton – 1.451.000,00 KM, Zeničko-dobojski kanton – 4.609.000,00 KM, Srednjobosanski kanton – 900.000,00 KM, Tuzlanski kanton – 1.091.500,00 KM, Sarajevski kanton – 548.500,00 KM.

Ad. 6.: AVP Sava je u periodu 2024. – 2025. godina, za potrebe praćenja hidroloških stanja (poplava) a u cilju unapređenja i širenja mreže hidroloških i meteoroloških automatskih stanica, nabavila i instalirala 3 hidrološke i 4 meteorološke automatske stanice na vodnom području rijeke Save u Federaciji BiH za koje je nadležna. Također izvršena je i nadogradnja (opremanje sa dodatnom tehnološki naprednom opremom za mjerenje brzina i proticaja sa optičkim senzorima za mjerenje) na dvije automatske stanice na slivu rijeka Une i Sane.

Ovo unapređenje i širenje hidrološke mreže stanica direktno utiče na praćenje vanrednih hidroloških stanja (poplava) kroz razvijene hidrološko-hidrauličke i prognozne sisteme za upozorenje na poplave. Ovi sistemi za upozorenje na poplave na Nacionalnom nivou su razvijeni za sve glavne podslivove na vodnom području rijeke Save u Federaciji BiH, a tokom 2024. godine je dodatno nadograđen i unaprijeđen sistem na slivu rijeke Bosne.

Unaprijeđen je i Informacioni sistem voda AVP Sava iz oblasti zaštite od voda i upravljanja poplavama na način da je implementirana IT platforma za upravljanje poplavama. To je inovativna platforma koja omogućava integraciju ISV-a sa drugim sistemima, prikupljanje podataka i direktnu komunikaciju sa građanstvom sa terena, kao i razmjenu informacija i podataka sa drugim nadležnim institucijama koje se bave ovom problematikom.

Ad. 7.: AVP Sava nije nadležna za odgovore na pitanja koja se odnose na Programe pošumljavanja.

Ad. 8.: Izvori finansiranja preventivnih mjera za zaštitu od voda koje realizuje AVP Sava su opće i posebne vodne naknade koje se prikupljaju po ZOV-u, ali obzirom da u ista nedostatna za te potrebne, neophodno je obezbijedenje sredstava iz međunarodnih izvora (kredit, donacije, i sl.), odnosno planiranje sredstva iz Budžeta Federacije BiH i Kantona.

Ad. 9.: Za svu projektnu dokumentaciju koja se radi u organizaciji Agencije, u toku izrade, vrši se prezentacija tehničkih rješenja investitoru, urbanistima i drugim zainteresiranim predstavnicima lokalne zajednice (javna rasprava). Usaglašeni zaključci sa te prezentacije postaju sastavni dio projektnog zadatka i uputa projektantu kako da završi svoj ugovor. Projekti koji su urađeni u ranije periodu ili zainteresirane strane koje nisu prisustvovala prezentaciji projekta mogu izvršiti uvid u dokumentaciju na način i u skladu sa Zakonom o pristupu informacijama u Federaciji BiH (Službene novine Federacije BiH br. 32/01 i 48/11).

S poštovanjem,



DIREKTOR

Dr. sc. Senad Memić

Dostaviti:

- ① Naslovu,
- Sektor 10, 30, 70,
- a/a